

Am Tage der Verklerung Christi.

Die Historien / wie der Herr Christus auff dem Berge Thabor sey verkleret worden.

Evangelium Matth. 17. v. I.



Und nach sechs ta-
gen nam Jesus
zu sich Petrum vñ
Jacobum / vnd
Johannem seinen Bruder/
vnd führret sie bey seits auff
einen hohen Berg / vñ ward
verkleret für ihnen. Vnd
sein Angesicht leuchtet wie

die Sonne / vnd seine Kleider worden weis / als ein
Liecht. Vnd sihe da erschein ihnen Moses und Elias/
die redten mit ihm.

Petrus aber antwortet / vnd sprach zu Jesu: Herr/
hie ist gut seyn / wiltu / so wollen wir drey Hütten ma-
chen / dir eine / Mosi eine / vnd Elias eine. Da er noch al-
soredete / sihe / da überschattete sie ein Liechte Wolcken.
Vnd sihe / eine Stimme aus der Wolcken sprach: Dis
ist mein lieber Sohn / an welchem ich Wolgefallen ha-
be / den solt ihr hören. Da das die Jünger höreten / sie-
len sie auff ihr Angesichte / vnd erschracken sehr. Jesus
aber trat zu ihnen / rühret sie an / vnd sprach: Stehet
auff / vnd fürchtet euch nicht. Da sie aber ihre Augen
auffhuben / sahen sie niemand / denn Jesum alleine.

fff iii

Vnd